


集神州三寶感通錄上

四百五
星七

5-1271



元祿九年丙子二月日重脩

皇圖 聖圖 帝漸 綴昌

佛日 塔音 轉 轉

山城州天安寺法金剛院置

集神州塔寺三寶感通錄卷上

星

麟德元年終南山釋道宣撰

夫三寶利見其來久矣但以信毀相競故有
感應之緣自漢洎唐年餘六百靈相盼嚮群
錄可尋而神化無方待機而扣光瑞出沒開
信於一時景像垂容陳迹於万代或見於既
往或顯於將來昭彰於道俗生信於迷悟故
撮舉其要三卷成一部云

初明舍利表塔

次列靈像垂降

後引聖寺瑞經神僧

初明舍利表塔者昔如來行乞有童子戲於路
側以沙土為米麩逆請以土麩奉佛因為受



之命侍者以為土漿塗佛住房足遍南面記
曰此童子者吾滅度後一百年王闍浮提空
中地下四十里內所有鬼神並皆臣屬開前
八塔所獲舍利於一日夜役諸鬼神造八萬
四千塔廣如衆經故不備載此土即洲之東境故塔現不足
以舍利西梵天言此云骨身也恐濫凡夫之疑而列

西晉會稽鄒塔緣一

東晉金陵長干塔緣二

石趙青州東城塔緣三

姚秦河東蒲坂塔緣四

周岐州岐山南塔緣五

周瓜州城東古塔緣六

周沙州城內大乘寺塔緣七

周洛州故都西塔緣八

周涼州姑威縣塔緣九

周甘州刪丹縣塔緣十

周晉州霍山南塔緣十一

齊代州城東古塔緣十二

隋益州福感寺塔緣十三

隋益州晉源縣塔緣十四
雒川塔附

隋鄭州超化寺塔緣十五

隋懷州妙樂寺塔緣十六

隋并州淨明寺塔緣十七

隋并州榆社縣塔緣十八

隋魏州臨黃縣塔緣十九

雜明神州山川藏寶等緣二十

初西晉會稽鄮塔者今在越州東三百七十里鄮縣界東去海四十里在縣東南七十里南去吳村二十五里案前傳云晉太康二年有并州離石人劉屑荷者生在畋家弋獵爲業得病死蘇見一梵僧語何曰汝罪重應入地獄吾憫汝無識且放今洛下齊城丹陽會稽並有古塔及浮江石像悉阿育王所造可勤求禮懺得免此苦旣醒之後改革前習出家學道更名慧達如言南行至會稽海畔山

澤處處求覓莫識基緒達悲塞煩冤投告無
地忽於中夜聞土下鍾聲即迂記其處剝木
爲刹三日間忽寶塔及舍利從地涌出靈塔
相狀青色似石而非石高一尺四寸方七寸
五層露盤似西域于闐所造面開窻子四周
天全中懸銅砵每有鍾聲疑此磬也繞塔身
上並是諸佛菩薩金剛聖僧雜類等像狀極
微細瞬目注精乃有百千像現面目手足咸
具備焉斯可謂神功聖迹非人智所及也今
在大木塔內於八王日輿巡邑里見者莫不
下拜念佛其舍利者在木塔底其塔左側多
有古迹塔側塔暨縣越舊都之地以句章對

劉剡等四縣爲之諸暨東北一百七里大部
鄉有古越城周迴三里地記云越之中葉在
此爲都離宮別館遺基尚在悉生豫章多在
門階之側行伍相當森竦可愛風雨晦朔猶
聞鍾磬之聲百姓至今多懷肅敬其迹繁矣
諸暨西北百里新義鄉有許公巖地誌云晉
時高陽許詢字玄度與沙門支道林爲友每
相從歷覽山水至此乃栖焉晉辟度爲司徒
掾徵不就後詔建業見者傾都劉恢爲丹陽
尹有名當世日數造之歎曰今見許公使我
遂爲輕薄京尹於郡立齋以處之至于梁代
此屋猶在許掾旣反劉尹當至其齋日清風

朗月何嘗不恒思玄度矣句章縣西南一百三十里明鄉有四明天台赤城瀑布等山天下稱最東北百四十里有沙塘道廣數丈入海百餘里地記云是秦皇追安期先生於蓬萊至深而息故此塘道至今宛然鄞縣古城在句章東三百餘里昔閩越所都其靈塔即縣界孝義鄉也地誌云阿育王造八万四千塔此之一也宋會稽內史孟顓修理之山有石坎方可三尺水味清淳冬温夏冷與地誌云阿育王釋迦弟子能役鬼神一日夜於天下造佛骨寶塔八万四千皆從地出案晉沙門竺慧遠云東方兩塔一在於此一在彭城

今秣陵長干又是其一則有三矣今以經驗
億家一塔計此東夏理多不疑且見楊越即
有二塔廣袤九城故有之焉會稽記云東晉
丞相王導云初過江時有道人神彩不凡言
從海來相造昔與育王共遊鄮縣下真舍利
起塔鎮之育王與諸真人捧塔飛行虛空入
海諸弟子焚香一時俱墮化為烏石石猶人
形其塔在鐵圍山也太守褚府君云海行者
述島上有聚烏石作道人形頗有衣服褚令
鑿取將視之石文悉如袈裟之狀東海不遠
島上是徐偃王避地之處宮郭古基宛然昔
周穆西巡登崑崙山偃王乃有統焉穆王聞

之馳還日行万里偃王避之於此晉孫恩作
逆寄仙妖以惑衆築城自衛其處猶存梁祖
普通三年重其古迹建木浮圖堂殿房廊周
環備滿号阿育王寺四面山繞林竹葱翠花
开間發飛走相娛實開放者之佳地有碑頌
之著作郎顧胤祖文寺東南三十五里山上
有佛右足跡寺東北二里山頭有佛左足跡
二所現于石上莫測其先寺北二里有聖井
其實深池鰻魚俗号爲魚菩薩也人至井所
禮拜魚隨出來賊過偽禮魚出賊便以刀斫
之因斷魚尾自尔潛隱魚不時出有至心邀
請禮拜者但噴水而已初有一僧聞塔來禮

處所荒涼恃食爲難有一老嫗患脚來爲造
食便去如是恠之去後私尋乃入池內據量
即魚所化也其塔靈異往往不一大略爲瑞
多現聖僧繞塔行道每夕然燈於光影中現
形在壁旋轉而行且列數條多則詞費

貞觀十九年敏法師者禹穴道勝歷覽聖迹
依然動神領徒數百來寺一月敷講經論士
俗咸會夜中有人見梵僧百餘繞塔行道以
事告衆寺僧曰此事常有不足可恠自古至
今四大良日遠近來寺建齋樹福然於夜中
每見梵僧行道誦經贊頌等相

永徽元年會稽處士張太玄於寺禮誦沙門

智悅獨與太玄連牀而寢半夜聞誦金剛般若
若了了分明二人靜聽形心欣泰乃至誦訖
然契其相若真尋視無形明知神授矣

二東晉金陵長干塔者今在潤州江寧縣故
楊都朱雀門南古越城東廢長干寺內昔西
晉末統江南是稱吳國於長干舊里有古塔
地即育王所構也依於邑里既崩子亮立孫
綝執政五鳳中毀除佛寺此塔同湮而舍利
潛地吳平之後諸僧頗依故處而居起塔三
層既不得舊塔之基事迹蕪沒莫之或識至
東晉咸安二年簡文立塔三層孝武上金相
輪露盤冥祥記云簡文有意興構未遂而崩

即三層之塔疑是先立至孝武太元未有并
州西河沙門劉慧達本名屑荷見於僧傳來
尋古塔莫知其地乃登越城四望獨見長干
有異氣便往禮拜而居焉時於昏夕每有光
明迂記其處掘之入地丈許得三石碑長六
尺中央一碑鑿開方孔內有鐵銀金三函相
重於金函內有三舍利光明映徹及爪甲一
枚又有一髮申可數尺放則成螺光彩照曜
咸以爲育王之所藏也即徙就塔北更築一
塔孝武加爲三層故寺有兩塔西邊是育王
古塔也丹陽尹王雅奉五斗米道常謂宜黜
佛法除毀塔寺其日下詔令會稽王道子將

雅觀焉時沙門正行舍利至雅撥翻其鉢而
舍利附于器內終不墜落王更貯清水燔香
呪曰王丹陽酷不信法世尊威靈願有以示
應聲光明煥然騰發雅自此後雖未能精至
終身不復誣訾佛法梁大同中月犯五車老
人星見改造長干寺阿育王塔出舍利髮爪
天子幸寺設大無礙法會下詔曰天地盈虛
與時消息萬物不得齊其蠢生二儀不得恒
其覆載故勞逸異年權慘殊日去歲失稔斗
粟貴騰民在困窮運臻斯濫原情察理或有
可矜下車問罪聞諸往誥責歸尤首寔在朕
躬若皆以法繩則自新無路書不云乎有殺

不辜寧失不經易曰隨時之義大矣哉今真
形舍利復見於世逢希有之事起難遭之想
今出阿育王寺設無礙會耆年童齒莫不欣
悅如積飢得食如久別見親幽顯歸心遠近
顛仰士女覆布冠蓋雲集同時布德允叶人
靈凡天下罪無輕重皆赦除之今潤州江寧
故基但有甃基三層并刹佛殿餘則榛木荒
叢非人所涉示是古基而已頻有大蟲發塔
基者多自死而草深人希惟有惡獸於中產
育或銜鹿而血汗塔者尋被打撲號叫驚人
今去永安坊張侯橋南一里余本任京師曲
池日嚴寺寺即隋煬所造首在晉蕃作鎮淮

海京寺有塔未安舍利乃發長干寺塔下取
之入京埋於日嚴塔下施銘於上于時江南
大德五十餘人咸言京師塔下舍利非育王
者育王者乃長干本寺而不測其是非也至
武德七年日嚴寺廢僧徒散配房宇官收惟
舍利塔無人守護寺墟屬官事須移徙余師
徒十人配住崇義乃發掘塔下得舍利三枚
白色光明大如黍米并爪一枚少有黃色并
白髮數十餘有雜寶琉璃古器等揔以大銅
函盛之檢無螺髮又疑爪黃而小如人者尋
佛倍人爪赤銅色今則不尔乃將至崇義寺
佛堂西南塔下依舊以大石函盛之本銘覆

上埋于地府余問隋初南僧咸曰爪髮梁武帝者舍利則有疑焉埋之本銘置于其上據事以量則長于佛骨頗移於帝里然江南古塔猶有神異崇義所流蓋篋如也故兩述之矣但年歲綿遠後人莫測略編斯紀以顯厥緣三青州古城寺塔者代歷周秦莫知其地石趙時佛圖澄者在鄴勒虎敬重廣置寺塔而少露槃方欲作之澄曰臨菑城中有阿育王寺猶有佛像露盤在深林巨樹下上有伏石可尋而取也虎使求之依言指授入地二丈獲之至鄴阿育聲之轉耳頃訪故地處所故慧達在冥中告云雒陽臨菑建業鄴陰成

都五處並育王塔禮者不入地獄故知此塔
不虛名也

四河東蒲坂古塔者後秦姚略叔父爲晉王
鎮於河東古老傳云蒲坂古塔即阿育王所
立也疑之屢有光現依掘得佛骨於石函銀
匣中照耀殊常送以上略略乃親迎覩於灊
上今蒲州東坂有救苦寺僧住立大像極宏
冠而古塔不樹

五扶風岐山南古塔者在平原上南下北高
東去武亭川十里西去岐山縣二十里南去
渭水三十里北去岐山二十里一名馬額山
同岐山斯並在大山之北南有小山東西迤

中間大谷南與北別故号岐山岐即分也西
北二十餘里有鳳泉泉在岐山之陽極高顯
即周文時鸞鷲鳴於岐山斯地是也飲此泉
水故号鳳泉又南飛至終南之陰故渭南山
下亦有鳳泉又西南飛越山至于河池今所
謂鳳州古河池郡是也不可窮鳳之始末且
論置塔之根原故隋高美其地泉仍就置塔
俯臨目極誠爲虛迥寺名久廢僧徒化往人
物全希塔將頽壞余往觀焉榛叢彌滿雖無
黍離之實深切黍離之悲今平原上塔俗諺
爲阿育王寺鄉曰抑泉取其北山之舊号耳
周魏川前寺名育王僧徒五百及周滅法廂

宇外級唯有兩堂獨存隋朝置之名成實寺
大業五年僧不滿五十人者廢之此寺從廢
入京師寶昌寺其塔故地仍爲寺莊唐運伊
始義寧二年寶昌寺僧普賢慨寺被廢芟諸
草莽具狀上請于時特蒙大丞相見識昔曾
經往覽表欣然仍述本由可名法門寺自介
至今武德二年薛舉稱兵將事南及太宗率
師薄伐初度八十僧未有任寺寶昌寺僧惠
素掃洒鳳泉以僧未配遂奏請任法門蒙
勅依奏便揔住焉年歲旣久殂落略盡寺在
孤城之中問其本起乃云大業末年四方賊
起諸鄉在平原之上無以自安乃共築此城

攻防外殺唐初雜住未得出居延火焚之一
切都盡二堂餘燼焦黑尚存貞觀五年岐州
刺史張亮素有信向來寺禮拜但見古基曾
無上覆奏 勅望雲宮殿以蓋塔基下 詔
許之因構塔上尊嚴相顯古老傳云此塔一
閉經三十年一示人令生善亮聞之以貞觀
年中請開剖出舍利以示人恐因聚衆不敢
開塔有勅並許遂依開發深一丈餘獲二古
碑並周魏之所樹也文不足觀故不載錄光
相照燭同諸舍利既出舍利通現道俗無數
千人一時同觀有一盲人積年目冥急努眼
直視忽然明淨京邑內外崩騰同此屯聚塔

所日有數千舍利高出衆人同見於方骨上
見者不同或見如玉白光映徹或見綠色或
不見者問衆人曰舍利何在時有一人以不
見故感激懊惱搥胷而哭衆人愍之吊問曰
汝是宿作努力懺悔何用搥胷此人見他燒
拍行供養者即以麻纏毋拍燒之繞塔而走
火盛心急來舍利所欵然得見歡喜踊躍跳
擲不覺拍痛火滅心歇還復不見顯慶四年
九月內僧智琮引靜見追入內語及育王塔
事年歲久遠須假引護上曰豈非童子施土
之育王耶若近有之則八万四千之一塔矣
琮曰未詳虛實古老傳云名育王寺言不應

虛又傳云三十年一度出前貞觀初巴曾出
現大有感應今期已滿請更出之上曰能得
舍利深是善因可前至塔所七日行道祈請
有瑞乃可開發即給錢五千絹五十疋以充
供養琮與給使王長信等十月五日從京旦
發六日逼夜方到琮即入塔內專精苦到行
道久之未有光現至十日三更乃臂上安炭
就而燒香懺勵專注曾無異想忽聞塔內像
下震裂之聲往觀乃見瑞光流溢霏霏上涌
塔內三像足各各放光赤白綠色纏繞而上
至於衡桶合成帳蓋琮大喜踊將欲召僧乃
覩塔內充塞僧徒合掌而立謂是同寺須臾

既久光蓋漸歇苒苒而下去地三尺不見群
僧方知聖隱即召來使同覩瑞相既至像所
餘光薄地流輝布滿赫弈潤滂百千種光若
有旋轉久方沒盡及旦看之獲舍利一枚殊
大於粒光明鮮潔更細尋視又獲七枚揔置
盤內一枚獨轉遶餘舍利各放光明炫燿人
目琮等以所感瑞具狀上聞 勅使常侍王
君德等送絹三千疋令造朕等身阿育王像
餘者修補故塔仍以像在塔可即開發出佛
舍利以開福慧僧以舊材多雜朽故遂揔換
以栢編石爲基莊嚴輪奐製置殊麗又下
勅僧智琮弘靜鴻臚給名住會昌寺初開塔

日二十餘人同共下鑿及獲舍利諸人並見
唯一不見其人懊惱自拔頭髮苦心邀請哀
哭號叫聲駭人畜徒自咎責終不可見乃置
舍利於掌雖覺其重不見如初由是諸來謁
者恐不見骨不敢見其光瑞寺東去龍坊人
勅使未至前數日望寺塔上有赤色光周照
遠近或見如虹直上至天或見光照寺城丹
赤如畫且具以聞寺僧歎訝曰舍利不久應
開此瑞如貞觀不異其舍利形狀如小指初
骨長寸二分內孔正方外楞亦亦平上圓內
外光淨余內小指於孔中恰受便得勝戴以
示大衆至於光相變現不可常准于時京邑

內外道俗連接二百里間往來相慶皆稱佛
德一代光華京師大慈恩寺僧慧滿在塔行
道忽見綺井覆海下一雙眼睛光明殊大通
召道俗同視亦然皆懾然喪膽更不敢重視
顯慶五年春三月下勅取舍利往東都入
內供養時周又獻佛頂骨至京師人或見者
高五寸闊四寸許黃紫色將往東都駕所時
又追京師僧七人往東都入內行道勅以
舍利及頂骨出示行道僧曰此佛真身僧等
可頂戴供養經一宿還收入內皇后捨所寢
衣帳直絹一千疋爲舍利造金棺銀槨數有
九重雕鏤窮竒以龍朔二年送還本塔至二

月十五日奉勅令僧智琮弘靜京師諸僧與塔寺僧及官人等無數千人共截舍利于石室掩之三十年後非余所知後有開瑞可續而廣也

岐州岐山縣華陽鄉王莊村馮玄嗣者先來鹿獍殊不信向母兄承舍利從東都來將欲截掩嗣不許往母兄不用其語至舍利所禮拜訖還家玄嗣怒曰此有何功德若舍利有何功德家中佛像亦有功德即取像燒之有何靈驗母兄救之已燒下半玄嗣即時忽倒後醒曰忽到一處似是地獄大鳥飛來啄睛噉肉入大火坑燒烙困苦以手摩面眉鬚墮落

目看天地全無精光親屬傍着曰汝自造罪
無可代者玄嗣神識不與人對但曰火燒我
心東西馳走又被打之拍脉摧慟號哭又稱
懺悔懺悔而晝夜唯走不曾得住至二月十
三日親屬將至塔所于時京邑大德行虔法
師等百餘僧爲衆說法裴尚宮比丘尼等數
百俗士五六千人咸見玄嗣五體投地對舍
利前號哭懺悔不信之罪又懺犯尼淨行打
罵衆僧盜食僧果自懺已後眠夢稍安云其
佛頂骨國用珍寶贖之計寶約估評絹直四
千疋遂依其數以蕃練酬之頂骨今仍在內
六瓜州城東古基者乃周朝阿育王寺也廢

教已後隋雖興法更不置寺今爲寺莊塔有
舍覆東西廊廡周迴牆匝時現光相士俗敬
重每道俗宿齋集會興福官私上下乞願有
應云云

七沙州城內廢大乘寺塔者周朝古寺見有
塔基相傳云是育王本塔纔有災禍多來求
救云云

八洛都故都塔者在城西一里故白馬寺南
一里許古基俗傳爲阿育王舍利塔疑即迦
葉摩騰所將來者降邪通正故立塔表以傳
真云云

九涼州姑咸塔者依檢諸傳咸云姑咸有育

玉塔然姑威郡名今以爲縣屬州漢書河西
四郡則張掖姑威酒泉燉煌也然塔未詳

十甘州刪丹塔者今名爲縣在甘州東一百
二十里縣城東弱水北大道側土塹者俗傳
是阿育王塔但有古基荒廢極久斯即疑爲
姑威塔也

十一晉州北霍山南原大塹塔者遠近道俗
咸稱是育王塔余曾遊焉地居爽塹南望迴
敞不是古基村落希遠

十二代州城東古塔俗云阿育王寺考北胡
鴈門周時北狄地也故詩云北逐獫狁至于
太原然朔方馬邑古城大冢往往非一此非

北狄所有明知本是夏人爲狄所侵故至太原也

十三益州郭下福感寺塔者在州郭下城西本名大石相傳云是鬼神奉育王教西山取大石爲塔基舍利在其中故名大石也隋蜀王秀作鎮井絡聞之令人掘鑿全是一石尋縫至泉不見其際風雨暴至人有於石傍鑿取一片將出乃是鑿玉問於識寶商者云此真鑿玉世中希有隋初有誥律師見此古迹於上起九級木浮圖今見在益州旱澇年宮人祈雨必於此塔祈而有應特有感徵故又名福感余嘗至焉誠如所述近有人盜鈴將

下三級有神擎樞斗起以賊睚內中其人被
壓唱呼寺僧爲射斗起方得脫出永徽九年
有王顏子者剽掠有名夜上相輪取博山將
下至底級兩柱忽夾之求出不得漸漸急目
見一梵僧曰可大唱賊不介死矣即唱數聲
寺僧聞救方得拔出貞觀年初地大震動此
塔搖颺將欲摧倒于時郭下無數人來忽見
四神形如塔量各以背抵塔之四面乍倚乍
傾卒以免倒有一人極豪侈多產業見前露
盤由來小短不稱塔形乃捨金三百兩共諸
信者更造露盤旣成拚下至覆盆香氣蓬敷
如雲騰涌流芳城邑十日乃歇

十四益州晉源塔者在州西南一百餘里今
号爲等衆寺本名大石基本緣略亦同前尋
諸古塔其相不同豈非當部鬼神情有所樂
案蜀三塔同一石蓋餘不定准益州北百里
雒縣塔者在縣城北郭下寶興寺中本名大
石基相同前隋初有天竺僧曇摩掘义遠至
東夏禮育王塔承蜀三塔义往禮拜至雒縣
大石寺塔所敬事已訖欲往成都宿兩女驛
將旦聞左右行動聲义曰是何人耶妄想恐
動空中應曰有十二神王從本國來所在擁
護明日當見成都塔今欲西還與師别耳义
曰既能遠送何不現形神即現形义爲人善

盡便一一覓之既遍形隱及至成都禮大石塔訖誥律師乃依圖刻木爲十二神像莊飾在於塔下今見在云

益州郭下法成寺沙門道卓有名僧也大業初雒縣寺塔無人修膏纔有下基卓乃率化四部造木浮圖莊飾備矣塔爲龍護居在西南角井中時有相現側有三池莫知深淺三龍居之人莫敢臨視貞觀十三年三龍大鬪雷霆震擊水火交飛久之乃靜塔如本住人皆拾取龍毛長三尺許黃赤可愛

十五鄴州超化寺塔者在州西南百餘里密縣界在縣東南十五里東大川西嵩岳南歸

山北又川寺院東西五六十步南北亦亦塔
在東南角其北連寺方十五步許其寺塔基
在淖泥之上西面有五六泉南面亦有皆孔
方三尺騰涌沸出流溢成川灌漑遠近泉上
皆下安栢柱鋪在泥水上以炭沙石灰次而
重填最上以大方石可如八尺牀編次鋪之
四面細甃長一尺五寸深五寸生鐵固之近
有人試發一石下有石灰乃至栢團便抽出
一團長三丈徑四尺見在白非輪王表塔神
功所爲何能辦此基構終古不見其儔也今
於上架塔三重塔南大泉涌沸鼓怒絕無水
聲豈非神化所致也有幽州僧道嚴者姓李

氏形極竒偉本入隋煬帝四道場從俗服今年一百五歲獨住深山每年七日來此塔上盡力供養莊嚴恠其泉流涌注無極乃遣善水崑崙入泉討之但見石柱羅列不測其際中有寶塔可高三尺獨立空中四面水圍凝然而住竟不至塔所考其原始莫測其由時俗所傳育王所立隋祖已來寺塔見在寺南歸山寺西嵩山寺在川中地極汗下每年二山大水常東流注繞寺北轉方始東逝水漲寺高水減寺下自古至今終不遭溺泉初出孔文如蓮花下打碾磴浪極恬靜水中沙石綠色鮮明國家見寺衝要欲造離宮尋行有

塔將欲南徙其基牢固遂休近有僧於南夜坐望見北塔光明殊異矣

十六懷州妙樂寺塔者在州東武陵縣西七里妙樂寺中見有五級白浮圖塔方可十五步並是側石編砌石長五尺闊三寸以下鱗次葺之極細密道俗目見咸驚訝其鬼作其下不測其底古老相傳塔從地涌下有大水莫委真虛有刺史疑僧濫飾乃使人傍掘其下至泉源猶不盡其基際

十七并州子城東淨明寺塔者本号育王是僧所住唐初已來僧散寺空尼請居之余往問塔全無蹤跡但有空名遂失其本

十八并州大父榆社塔者今在縣郭下育王寺中見有僧住中有小塔古今相傳此是本塔亦未聞異相

十九魏州臨黃塔者在縣西北三十里本名舍利寺今爲尼住其塔見在三邊有水唯西開路基構編石從水底上蓮花弥滿於三面其水澄深人皆怯入傳云舍利真塔在水內空中如鄭州者今改爲冀州大都督府二十雜明神州山澤所蔽珍異神寶如上所列育王子之諸塔沉隱未形其徒不一如後列之滄州長河界中塔稱育王名非虛立豈唯骨塔靈像亦亦矣宜涼三州俱山現像郊

北屬山近復出佛愚俗謗爲虛誕故知謗者
虛焉豈有人造妖訛山中藏三丈石佛特是
謗者坎井焉知九海之天池哉齊州臨邑縣
東有輓塔云是誌公所營四面石獸石獸迅
殺可畏周滅法時今人百年攬出終不可脫
亦勞有損今在彼云高麗遼東城傍塔者古
老傳云往昔高麗聖王出見案行國界次至
此城見五色雲覆地即往雲中有僧執錫住
立旣至便滅遠看還見傍有土塔三重上如
覆釜不知是何更往覓僧唯有荒草掘深一
丈得杖并履又掘得銘上有梵書侍臣識之
云是佛塔王委曲問荅曰漢國有之彼名蒲

圖王因生信起木塔七重後佛法始至具知
始末今更損高本塔朽壞斯則育王所統一
閻浮洲處處立塔不足可恠倭國在此洲外
大海中距會稽萬餘里有會承者隋時來此
學諸子史統及術藝無事不閑武德之末猶
在至貞觀五年方還本國會問彼國昧谷東
隅佛法晚至未知已前育王及不會答文字
不言無以承據驗其事迹則是所歸何者人
開發土地往往得古塔露盤佛諸儀相故知
素有也益州城南空慧寺金藏者有穴在寺
近有道士素知有藏來就守寺神乞神令入
穴取二升金粟依言即入唯見地下金甕行

行相對莫測其邊寺僧通知無敢侵者雍州
渭南縣南山倒剌谷崖有懸石文狀倒剌因
以名焉谷有巖像於佛面亦号像谷古老傳
云昔有梵僧來云我聞此谷有像面山七佛
龕昔七佛曾來此谷說法澗內有瞻蔔華常
所供養近永徽中南山龍池寺沙門智積聞
之往尋至谷聞香莫知何所深訝香從澗內
沙出即撥沙看形似茅根裹甲沙土然極芬
馥就水抖發洗之一澗皆香將返龍池佛堂
中堂皆香極深美山下俗人時見此山或如
佛塔或全如佛面挺出空際故像顏之号非
是虛立像去嘉美谷甚近即姚秦時至嘉所

住者也坊州玉華宮寺南二十里許大高嶺俗号檀鉢山上有古塔基甚宏壯面方四十三尺上有一層甃塔四面開戶石門高七尺餘廣五尺餘傍有破甃無數古老傳云昔周文王於此遊獵見有沙門執錫持鉢山頭立住喚下不來王遣往捉將至不見遠看仍在勅乃掘所立處深三丈獲鉢及杖而已王重之爲起甃塔一十三級左近村墟常聞鍾聲龍朔元年京師大慈恩寺沙門惠貴聞之便往又聞鍾聲慷慨古迹將事修理恨無泉貝懷惑猶豫貴又感祥云護塔善神曰可即經始不勞疑慮又感異僧曰我是南方淨土菩

薩行化至此塔自古至今已經四造勿辭勞
倦功用必成唯須牢作不事華侈三層便止
貴聞此告親事經營塔側古窰三十餘所猶
有熟甃填滿更尋塔南川中乃是古寺背山
面水一期幽栖之勝地也自末修前鍾聲時
至即令營構依時發聲三下長打如今僧事
龍朔三年掘得古銘云周保定年塔崩塌初
成時南望見滑又云置塔經四百餘年崩計
周保定至開皇元年得二十年開皇至今龍
朔初得八十一年又計銘記四百年後始崩
則塔是後漢時所造後周無道文者前周大
逸未知古老所傳周文是何帝代但知塔甃

巨万終非下俗所立耳

江州廬山有三石梁長數十丈廣不及尺下
望無底晉咸康年中庾亮爲江州登山過梁
見老公殊偉夏屋崇峻王堂眩目靈塔高竦
莫測是何修葺久之終非人宅乃拜謝而返
唐貞觀二十一年荊州大興國寺塔西南柱
無故有聲人往看之乃見金銅佛頭出如是
日日漸出經三夕方盡長六寸許是立佛道
俗咸異之唐初相州大慈寺塔被焚余至彼
問焚所由僧云大業末歲群盜平陳寺三爵
臺西葛屨山上四嚮來投築城固守人物擁
聚尺地不空塔之上下重復皆滿於中穢汗

不可見聞及賊平人出糞穢狼藉寺僧無力
可用屏除忽起火起焚蕩都盡唯東南角太
子思惟像殿得存可謂火淨以除其臭穢也
此塔即隋高祖平勅所置初以隋運創臨天
下未附吳國公蔚迴周之柱臣鎮守河北作
牧舊都聞楊氏御圖心所未允即日聚結舉
兵抗詔官軍一臨大陣摧收擁俘虜將百萬
人揔集寺北遊豫園中明旦斬決園牆有孔
出者縱之至曉便斷猶有六十萬人並於漳
河岸斬之流尸水中水為不流血河一月夜
夜鬼哭哀怨切人以事聞帝帝曰此段一誅
深有枉濫賊止蔚迴餘並被驅當時惻隱咸

知此事國初機候不獲縱之可於遊豫園南
葛履山上立大慈寺拆三爵臺以營之六時
禮佛加一拜爲園中枉死者寺成僧住依勅
禮唱怨哭之聲一期頓絕矣

振旦神州佛舍利感通序

原夫大聖謀權通濟爲本容光或隨緣隱遺
景有可承真故將事拘尸從於俗化入金剛
定碎此全軀欲使福被天人功流海陸至於
牙齒髮爪之屬頂蓋目睛之流衣鉢瓶杖之
具坐處足蹈之迹備滿中天罕被東夏而齒
牙髮骨時聞視聽昔育王土中之塔略顯於
前所偏感應之形隨機又出自漢洎唐無時

不有既稱靈骨不可以專求任緣而舉止得
以敬及通信之士舉神光而應心懷疑之夫
假琢磨而發念所以討尋往傳及以現祥故
依續序庶有披者識釋門之骨梗万載之後
難可塵沒矣

漢法本內傳云明帝既弘佛法立寺度僧五
岳觀諸道士等請求搃試以燒經神變爲驗
及經從火化隱沒莫陳費才自感於衆前張
衍啓悟於時俗于時西域所將舍利光明五
色直上空空中旋環如蓋映蔽日光摩騰羅漢
踊身高飛神化自在天雨寶花散佛僧上又
聞天樂繁會人感信心焉魏明帝洛城中本

有三寺其一在宮之西每繫幡刹頭輒斥見
宮內帝患之將毀除壞時外國沙門居寺乃
齋金盤水以貯舍利五色光明騰焰不息帝
歎曰非天神効安得尔乎乃於道東造周閭
百間名爲官佛圖精舍云

吳孫權赤烏四年沙門康僧會創達江表設
像行道吳人以其爲妖異以狀聞之權召會問
佛何靈會曰佛晦靈迹遺骨舍利應現無方
權曰何在會曰神迹感通祈求可獲權曰若
得舍利當爲興寺經三七日遂獲瓶中且呈
於權光照宮殿權執瓶寫于銅盤舍利下衝
盤即破破碎權大驚嗟希有瑞也會進曰佛之

靈骨金剛不朽劫火不焦權乃使力者擊之
搥砧俱陷舍利不損光明四射耀晃人目又
以火燒乃騰光上涌作大蓮花權大發信乃
爲立建初寺改所住地名佛陀里孫皓虐政
將欲除屏佛法燔經夷塔有諫皓曰且少寬
假信無神驗誅除不晚皓從之召會曰若能
驗現於目前助君興之如其不能將道廢而
人戮會曰道以緣應感而必通如蒙寬假庶
降神効皓與期三日僧衆百餘同集會寺皓
陳兵圍寺刁鏘齊至剋期就戮或懼無靈先
自縊者會謂衆曰佛留舍利止在今時前已
有驗今豈欺我恰期便獲乃進於皓曰此如

來金剛之骨賁獲擊以百鈞之杵終莫毀也
皓曰金石可磨枯骨豈在沙門面欺祇速死
耳乃置之鐵砧以金鎚擊之金鐵並碎而舍
利如故又以清水行之舍利揚光散彩洞燭
一殿皓乃欣服革心膺化晉初竺長舒先有
舍利重之其子爲沙門名法欬每欲還俗嘆
曰是沙石耳何足可貴父投之水五色三帀
光高數尺遂不還俗長舒死後還發俗念輒
病委頓卒爲沙門以舍利安江夏塔中晉大
興中於潛董汪信尚木像夜有光明後像側
有聲投地視乃舍利水中浮沉五色晃晃左
右行三帀後沙門法恒看之遙起四五投恒

懷中恒曰若使恒興立寺宇更見威神又耀
于前於即恒建寺塔於潛入法者日以十數
焉晉大興中北人流播廣陵日有千數有將
舍利者建立小寺立刹舍利放光至于刹抄
遂感動遠近信心云晉咸和中北僧安法開
至餘杭欲建立寺無地欠財手索錢貫貨之
積年得錢三万帀地作屋常以索貫爲資欲
立刹無舍利有羅幼者先自有之開求不許
及開至寺礼佛見幼舍利囊已在座前即告
幼幼隨來見之喜悅與開共立寺宇於餘杭
云晉咸康中建安太守孟景欲建刹孟於
夕聞牀頭鏘然視得舍利三枚景立刹時元

嘉十六年六月舍利放光通照上下七夕乃
止一切咸見 晉義熙元年有林邑人嘗有
一舍利每齋日放光沙門慧邃隨廣州刺史
刁達在南敬其光相欲請之未及發言而舍
利自分爲二達聞心悅又請留敬而又分爲
三達欲模長干像寺主固執不許夜夢人長
數丈告曰像貴宣導何故恡耶明報聽模旣
成達以舍利著像髮中西來諸像放光者多
懷舍利故也 宋元嘉六年賈道子行荆上
明見芙蓉方發聊取還家聞華有聲恡尋之
得一舍利白如真珠焰照梁棟敬之擎以箱
盛懸于屋壁家人每見佛僧外來解所被躍

坐案上有人寄宿不知汗慢之乃夢人告曰
此有釋迦真身衆聖來敬尔何行惡死墮地
獄出爲尼婢何得不怖其人大懼無幾癩死
舍利屋地生荷八枚六旬乃枯歲餘失之不
知所去 宋元嘉八年會稽安千載者家世
奉佛夜有扣門者出見十餘人著赤衣運材
積門內云官使作佛圖忽無所見明至他家
齋食上得一舍利紫金色椎打不碎以水行
之光明照發便自舉敬常有異香後出欲禮
忽而失之尋覓備至半日還得臨川王鎮江
陵迎而行之雜光間出佐史沙門咸見不同
王捧水器呪曰

詞多如呪訖輒應聲光出夜
別辯之

見百餘人繞舍利屋燒香持花如狀及明人
及舍利俱失矣 宋元嘉九年尋陽張須元
家設八關齋道俗數十人見像前花上似冰
雪視得舍利數十便以水行之光焰相屬後
遂失之數十日開厨更視獲牙奩中有白艷
裏舍利十枚光焰屬天諸處咸來請之

宋元嘉十五年南郡疑之隱衡山徵不出奉
五斗米道不信佛法夢見人去地數丈曰汝
疑方解覺及悟旦夕勤至半年禮佛忽見額
下有紫光瑞光處得舍利二枚剖擊不損水
行光出後於食時口中隱齒吐出有光妻息
又獲一枚合有五枚後又失之尋亦又得宋

元嘉十九年高平徐椿讀經及食得二舍利
盛銀瓶中後看漸增乃至二十後寄廣陵今
馥私開之空甕椿在都忽自得之後退轉皆
失舍利應現值者甚多皆敬而得之慢而失
也舍利東流綿歷帝代傳紀所及略陳万一
由事相重沓屢現非竒佛現栖隱誠其致也
然有國興塔無勝有隨一化之中百有餘所
神瑞開發陳諸別傳今略出之以顯盛德云
尔隋高祖昔在龍潛有神尼智仙無何而至
曰佛法將滅一切神明今已西去兒當為普
天慈父重興佛法神明還來後周氏果滅佛
法及隋受命常以為言又昔有婆羅門僧詣

宅出一裏舍利曰檀越好心故留供養尋亦
不知所在帝曰我興由佛故於天下立塔并
置神尼像焉又於京師法界寺造連基浮圖
下安舍利開皇十五年秋夜神光自基上繞
露盤赫若冶焰一旬內四如之帝於仁壽宮
仁壽元年六月十三日御宮之仁壽殿降生
日也帝於此日追惟永往報父母恩延諸沙
門與論至道欲於海內清靜處三十所建塔
下詔曰仰惟正覺大慈大悲救護群生津梁
庶品朕歸依三寶重興聖教思與四海共修
福業今使現在未來俱爲利益宜請沙門三
十人解法相堪宣導者各將侍者散官分道

送舍利於諸州起塔盡州現僧爲朕及皇后
太子諸王官人民庶幽顯生靈七日行道懺
悔打剎布施限以十文以供塔用不充役丁
用正庫物其刺史以下常務停七日專知塔
事同至十月十五日正午入函一時起塔帝
以起塔之旦在京大興殿西執珽而立延佛
像沙門三百六十人上殿左右密數三度常
賸一人帝見異僧披褐色覆膊語左右曰勿
驚置之及行道散不復見帝曰今佛法重興
立舍利塔必有感應果如言

雍州仙遊寺立塔天降陰雪舍利將下日光
朗照及入函雲合

岐州鳳泉寺立塔感文石如玉爲函又現雙
樹鳥獸等基石變如水精

涇州大興國寺立塔三處各送舊石非界所
有合用爲函恰然相可

秦州靜念寺立塔定基已瑞雲再覆雪下草
木開花入函光照聲贊

華州思覺寺立塔初陰雪將下日照五色氣
光數丈覆塔上屬天雨天花

同州大興國寺立塔值雨無壅入函日出光
繞於日十二月內夜光照五十里

蒲州栖巖寺立塔地震山吼鍾鼓聲又放光
五道二百里皆見

并州無量壽寺立塔初盡昏雲至乃日照將
入函放光明天神無量

定州恒岳寺立塔異公來施布負土忽失之
舊無水忽有水來前後非一

相州大慈寺立塔陰雪將下日出入函復合
後雨天花前後非一

鄭州定覺寺立塔感光如流星入寺設二千
人供萬餘人食不盡

嵩州閑居寺立塔感兔來輿所初陰雪將下
日明入函訖雲復合

亳州開寂寺立塔界內無石別處三石合而
成函基至盤石有二浪井夾之

汝州興世寺立塔初雲將下自出入函雲公
秦州岱岳寺立塔廟夜鼓聲三重門自開騎
自廟出迎光相非一

青州勝福寺起塔掘基遇自然盤石函將入
有光明

牟州巨神山寺立塔獲紫芝二陰雲將下日
開閉訖還合

隋州智門寺立塔掘基得神龜甘露降黑蜂
繞龜有似符文

襄州大興國寺立塔初天陰將下日朗入函雲合
揚州西寺立塔久旱舍利入境夜雨大洽
蔣州栖霞寺立塔隣人先夢佛從西北來入

寺舍利至恰如所夢

吳州大禹寺立塔舍利凡度五江風波皆不起又放光獲紫芝

蘇州虎丘山西寺立塔掘基得舍利一空樂聞人井吼二日舍利方至

衡州衡岳寺立塔四遇逆風四乞順水峯上白雲闊二丈直至其所三帀乃散

桂州緣化寺立塔未至十里鳥有千計夾輿行飛入城乃散

番州靈鷲寺立塔坑內有神仙雲氣像

交州禪衆寺起塔

益州法聚寺立塔初晦冥將下日朗奄已便暗

廓州法講寺立塔初行郊西介夜廓州光高
數丈從東來入地內外皆見

瓜州崇教寺起塔涇州官人王威送流人九
十道逢舍利放之爲期其囚被放十里一期
無一逃者 隨州人於涇水作魚獄三百旣
見舍利悉決放餘州亦多放矣 王公百官

以舍利應感非一拜表奉賀時有詔曰門下
仰惟正覺覆護羣生朕所以至心迴向思崇
勝業普及幽顯共爲善因故分布舍利營建
神塔而大聖垂慈頻示光相宮殿之內舍利
降靈莫測來由得未曾有斯寔群生多幸延
此嘉福豈朕微誠所能致感覽表悚敬弥深

今真形舍利猶有可依前式分送海內五十
三州庶三塗六道俱免蓋纏稟識含靈同登
妙果

仁壽三年正月復分布舍利五十三州至四

月八日同午時下其州如左

恒州無雲雨天花遍 泉州 循州

營州三放白光出 洪州白項烏 杭州掘基自

怡容涼州癖行大 滄州 觀州塔上窟

雲現暮瀛州基內 冀州患盲癖 幽州

函如水晶鏡 徐州函出仙人 莒州三現光基

者齊州 萊州 楚州野鹿來聽 江州

地出潭州舍利至江 毛州天雨金 員

銅像 潭州鳥即迎送 毛州銀花 員

州 宋州 井苦變甘放 趙州 佛赤光有

濟州 鍾音出光香氣 兗州 壽州 信州

荆州 雲蓋塔上下 黎州 地 夙 慈州 雲

飛仙泉 魏州 潞州 泉自涌 汴州 異香

現像 把州 許州 去州九十里放光照

病愈 蘭州 基下得石像 梁州 利州 放

如日 豫州 五色光文 顯州 曹州 光變

安州 感香一夕放 鄧州 函作玉 秦州 得重

舍利 衛州 於外照 洛州 僧先患 秦州 得重

晉州 三度 懷州 雄雉來馴附 陝州 前後十

瑞 洛州 香氣如風 鄭州 放光幡

五十三州

集神州三寶感通錄卷上

星

洎其器也反至也盼嚮上許乙反下許雨反扣苦

一反音口擊也會稽音上俱越地名鄮莫后反縣蒲

坂下音反地東岐州上渠反姑郎反刪丹上間反

霍山郭上反雒縣上音落榆杜上羊反畋音田

弋獵上音翼下憫音敏憐迂音遷變剡木上

檢反于闐下田音殿瞬目上音舜諸暨下音既

州也森竦上音拔翠貞下息勇反詢息旬辟音碧

掾俞緜反恢苦回瀑布上蒲反顛語豈秣陵音上

末地名也本名金陵秦茹廣裘下莫候反長

南北褚姓也反呂鑿音崑崙論二音海卉

下許鬼反 娛音愚 胤上羊鎮 鰻魚官反 瀆水

上房粉反 蒲水恃音市 老姥下莫補反 永徽

下音暉 亮反力門反 琳音林 湮音因沉也 屑荷反上先節

年号也 枚音梅徙斯綺反 築音竹 黜田律反 燔音煩

也燒酷苦篤反 煥然明上音喚 誣訾無子二音誣

蠢生細上尺尹反 懽懽反愁一感失稔歲不豐也

臻側中反 矜居陵反 辜音姓 顛仰顯亦仰也

甄音專 榛木叢木也 大蟲俗作蟲 打撲

上音頂下 號叫正音毫 隋煬下音隨帝代也

也謚曰去禮蕃音翻 一塘音隻 蔑如結反 莫

也 鄴音業 臨苗下側思反 縣屢力句反 宏惠

大反也 迺字列 鸞鴛 鳳鵠也 頽壞反 墜也 諺

魚箭反抑意力慨嘆苦愛反草莽朗反母殂落在

俗言也殺苦後反燼徐刃反火焦黑消反子歛

然上許勿反跳躑上音條下歇反下許也琮

在宗懔厲上萬錦反懔敬流溢反下夷一霏非

衡桶上音戶庚反方椽也苒苒音赫弈反上許客

亦明潤滂忙下普炫燿二縣曜輪奐下音喚真鴻

臚下力居駭胡買反楞郎登反四慚然葉上之

驚雕鏤下音鹿獷反下惡也啄音卓鳥燒烙音下

落拍肱上音人謂瘠腹為肱也裴音迈匹上足字

蕃練反上音煩宜作菹干見廊廡下屋也武堂掖

音傲煌瓜屯皇二音土埴回反丁爽塏開也地改反

明日迫敞下昌郡名反北狄的下徒獵狃險允

比狄兇縫房用醫黛玉上青黑一兮反洗所巾旱澇

奴之到反廬斗上音盧正作料頭脞腿米反

水也反廬斗上音盧正作料頭脞腿米反

揀揀下上正作剽足妙反搖颺下音羊風吹也

又作盤蓬敦沒下蒲邈遠也脩葺入下七雷霆

聲疾激也雷淖泥濁音開灌漑下澆沃也

直流反奇偉下羽鬼反凝然上魚溺沒也

碾磴對反女展反磨也恬靜上徒怯苦劫反都

督篤下音虛誕但下音妖訛下恠謬也誌公音上

志也雖閏反攬楚感反一音高麗海國名離遼東

察入音執錫下先迹反倭國上烏和反巨音甕

於貢雍州共反紆犴柴音龕苦舍反瞻葡萄下

反於貢雍州共反紆犴柴音龕苦舍反瞻葡萄下

北芬馥下音伏挺生上他頂村墟下庭虛

也捺慨上口朗竭誠也苦愛窰音瓦竈音瓦燒也度亮於上

力向反下崇峻反下私閨也眩目生上花音懸目高竦下息

勇葛屨下音句屏除併上音創初狀蔚迫於上

勿牧守音目抗拒口浪反也俘虜上音琢磨上音績于上

胡衣盜字下鉢足蹈履下音珠磨卓上音績于上

管反集也骨梗下加捅試上音費方未術音

映蔽祭下必斥音尺棄也齋子兮槌砧直上亦作錘

知林陷咸字耀晃下胡明廣反皓直上道反虐政

也繫魚却獲上理也奔鐵音六刀鏘羊下自縊下晁昱胡上

廣反明也剎抄反下美未鏘然金上玦反苦愛自縊晁昱胡上

六反明也剎抄反下美未鏘然金上玦反苦愛自縊晁昱胡上

刁達 一上音彫 本音作人姓也 追也 反下 吝良 刁反 賈 古馬反

聊 彫 癩 郎帶反 病也 椎 打 追 反直 奩 底音廉 平也 剖擊

吐 反 椿 反丑 輪 鬯 項一 瓶 反長 重 沓 合下 唐 珽 反他 頂

于 笏 賸 餘也 證 剩也 披 揭 胡上 葛音 被 大 著也 下 覆

膊 音上 博音 副 下 涇 州 經上 音 壅 反紆 拱 大 息 弓也 輦 音

芝 草音也 瑞 襄 州 相上 音 洽 沾侯 夾反 也 奄 已 反上 忽也 檢

涓 州 出上 為水 反 鄭 湏 水 名上 音 雲 水 恒 登戶

反 循 音 旬 癖 躄 必亦反 正 作 瀛 盈音 莒 舉音 翔 音 恒 登戶

也 濟 反子 札 充 綠 淺 潞 路音 汴 反皮 見 洛 名音 雉 反直 野

鷓 馴 音 旬 狎 狹 州 失 反 失



